

柴桑問答

中國書局藏

藏書

柴桑問答目錄

天文部

第一卷

象緯類

歲時類

災祥類

祭禱類

地理部

第二卷

形勢類

邑里類

山川類

異國類

第三卷

官室部

殿閣類

宗廟類

學校類

官舍類

臺亭類

園林類

門第類

城垣類

寺觀類

第四卷

人物部

帝王類

后妃類

公主類

官職類

古人類

世裔類

老幼類

婦人類

僕婢類

仙釋類

第五卷

文學部

經術類

藝文類

經史類

雜編類

字學類

第六卷

器用部

器皿類

舟車類

第七卷

刑法部

第八卷

貨寶部

第九卷

音樂部

律呂類

樂舞類

樂器類

第十卷

鳥獸部

羽族類

毛群類

魚龍類

昆蟲類

第十一卷

人事部

第十二卷

制令部

第十三卷

通用部

第十四卷

軍旅部

兵法類

將士類

戰伐類

器械類

禦戎類

盟要類

第十五卷

草木部

蔬穀類

果木類

第十六卷

冠服部

第十七卷

身體部

第十八卷

酒食部

第十九卷

藝術部

柴桑問答編目錄終

柴桑問荅卷之一

考江西通志勞堪德化縣人嘉靖

乙卯舉人係勞思之子堪曾輯武

美山志見天一閣書目

潯陽廬嶽勞堪 編

天文部

象緯類

或曰說天者宗渾天而渾天云天形如彈丸地在其中天包其外猶如雞卵白之繞黃其說固

與宣夜殊矣然數可攷乎予曰按天如彈丸圍圓三百六十五度四分度之一靈耀云一度二千九百三十二里千四百六十分里之三百四十八周天百七萬一千里者是天圓周之里數也以圍三徑一言之則直徑三十五萬七千里此爲二十八宿周回直徑之數也然二十八宿之外上下東西各有萬五千里是爲四遊之極謂之四表據四表之內并星宿內總有三十

八萬七千里然則天之中央上下正半之處則
一十九萬三千五百里地在其中是地去天之
數也漢楊雄桓譚張衡蔡邕陸績王肅鄭玄之
徒並所依用今司天者亦以爲準是說天爲近
者莫如渾天矣

或曰日行黃道又云月行其餘別道別道者何
予曰星備云明王在上則日月五星皆乘黃道
蓋日月五星在黃道乃爲正也黑道二出黃道
北赤道二出黃道南白道二出黃道西青道二

出黃道東所謂其餘別道也赤青爲陽道白黑爲陰道故月出陽道則旱風出陰道則雨則月行其餘別道之應也

或曰月有躔次日有分度而分野所屬各列定位天符經可考與予曰按孟春日躔娵訾之次於辰爲亥初危拾陸度立春而日猶在子中營室十四度雨水日在壬終於奎四度爲衛并州之分野焉仲春躔降婁之次於辰爲戌初奎五度驚蟄而日猶在亥中婁四度春分日在乾終

於胃六度為魯徐州之分野焉季春躔大梁之
次於辰為酉初胃七度清明而日猶在戌中昴
八度穀雨日在辛終於畢十一度為趙冀州之
分野焉孟夏躔實沈之次於辰為申初畢十二
度立夏而日猶在酉中井初小滿日在庚終於
井十五度為魏益州之分野焉仲夏躔鶉首之
次於辰為未初井十六度芒種而日猶在申中
井三十一度夏至日在坤終於柳八度為秦雍
州之分野焉季夏躔鶉火之次於辰為午初柳

九度小暑而日猶在未中張三度大暑日在丁
終於張十七度爲周三河之分野焉孟秋躔鶉
尾之次於辰爲巳初張十八度立秋而日猶在
午中翼十五度處暑日在丙終於軫十一度爲
楚荊州之分野焉仲秋躔壽星之次於辰爲辰
初軫十二度白露而日猶在巳中角十度秋分
日在巽終於氐四度爲鄭兗州之分野焉季秋
躔大火之次於辰爲卯初氐五度寒露而日猶
在辰中房三度霜降日在乙終於尾九度爲宋

豫州之分野焉孟冬躔析木之次於辰爲寅初
尾十度立冬而日猶在卯中箕七度小雪日在
甲終於斗十一度爲燕幽州之分野焉仲冬躔
星紀之次於辰爲丑初斗十二度大雪而日猶
在寅中牽牛初冬至日在艮終於婺女七度爲
吳越楊州之分野焉季冬躔玄枵之次於辰爲
子初婺女八度小寒而日猶在丑中危初大寒
日在終癸於危十五度爲齊青州之分野焉此
蓋躔度而屬於十二野以區分者也

或曰唐詩有高春何謂予曰此言日晷也按淮南子日至于悲谷是謂晡時至于淵隅是謂高春晡為日所夕高春又踰時矣日入虞淵此在淵隅將入也

或曰詩十月之交朔日辛卯日有食之亦孔之醜箋云日為君辰為臣辛金也卯木也以卯侵辛故甚惡也言足據乎予曰按左傳日食陰侵陽而以辛卯日卯比臣辛比君是為卯侵辛也是臣侵君之象也辛日以辰侵日而日為金辰

爲木金應勝木木反侵金是五行相逆之事也
而十月陽月朔爲陽日于此日食陽微甚矣故
惡之

或曰日食月爲月食月食日爲日食世人皆知
之然有星食月七食星者則有不知者曷據耶
予曰星入月而星見於月中是爲星食月七掩
星而星滅不見是爲月食星按漢宣帝本始四
年七月甲辰星在翼月犯之地節元年正月戊
午月食熒惑熒惑在角亢成帝建始四年十一